

RE TLA DIRA ENG KA JESU YO A BITŠWAGO KRISTE?

✎ . . .? . . . Ke nyaka go hlaganela, gobane ke a tseba gore bohle le lapile go tšwa go beng ka kerekeng, (ke a go leboga, mohlomphegi), go beng ka kerekeng lehono. Ke nyaka go tšea feela nakwana ye ya nako, go le bjalo, go hlagiša tebogo ya ka go Ngwanešu Demos Shakarian.

² [Lefelo la go se be le selo godimo ga theipi—Mor.] . . . ga se la tsoge la kopana bjalo ka Pentecost, ka tlase ga dihlopha. Go na le diphapano tše dintši kudu. Eupša go na le lefelo le letee moo re nago dilo tša go swana, ka tlase ga Madi a Jesu Kriste, fao ke mo re nago dilo tša go swana. Yeo ke tsela ya Modimo go rena go kopana, go le bjalo. Gomme ga go na lefelo le lengwe leo Modimo a tšepišitšego go kopana le motho, feela ka tlase ga Madi a a tšholotšwego.

³ Ke be ke nagana bošegong bja go feta ka ngwanaborena, Oral Roberts, ge a dirile setatamente sela sa go makatša fa, ka ga, “Go tšwa botebongtebong bja gagwe go tla ela dinoka tša meetse.” Ye kgolo . . . Ka fao a tlišitšego yeo ka gare, ka, “go tšwa mpeng ya gagwe,” ke a dumela o rile, “lahlela, go tla ela dinoka tše tša meetse.”

⁴ A le kile la hlokomela, ke dinoka tša meetse a matee? “Dinoka,” bontši; “meetse,” tee. E sego “dinoka tša meetse”; eupša, “dinoka tša meetse,” Moya o tee. “Ka Moya wa go swana bohle re kolobeletšwa ka Mmeleng wa go swana.” Go tšwa go Yena go elela bobotse le mogau wa Modimo.

⁵ Gomme bjale, lena batho ba California, re tla ba ka nageng ya lena, go thoma beke ye e latelago, ke a dumela, godimo kua. Gomme morago go theoga go kgabola Georgia, Louisiana, Florida, pele go theoga go fihla re thoma mošwamawatle.

⁶ Morena a le šegofatše, gagolo. Ke thabela bahumagadi ba bannyane ba ba bapadilego mmimo, le banna ba bakaone ba bao ke kopanego le bona.

⁷ Ngwanešu yo moswa yo mo, Ngwanešu Solomon Kgoši. Nka no bolela seo phošo. Ke kgona go nagana ka Kgoši Salomo, gomme ka no e retolla go dikologa. E be e le letšatši leo; ye ke kgoši ye nngwe, le yona. Yeo ke nnete. Morwa wa Kgoši, go le bjalo, yeo ke nnete; morwa wa Kgoši; e sego kgoši, *yena* Kgoši!

⁸ Ge ke lebelela ye, e nkgopotša ka ga tlase ka Mexico fa, mengwaga e se mekae ya go feta ka Mexico City. Re be re le fao bošego bjo bongwe, go be go bile monna wa sefofu, bošego

pele, o tlile sefaleng, a foufetše ka go felela lebaka la mengwaga ye mentši. Ke lebeletše maoto a gagwe. Ke be ke eme fale ke apere sutu ye botse, ke apere para ya dieta. Ke lebeletše go a gagwe. . . O be a foufetše, a se a rwala dieta, marokgo a mankgeretla, a eme ntle kua ka puleng yela. Oo, mohlomongwe dikete tše masometharo, goba bontši, ba eme fale ka puleng yela, ba itshamile o tee go yo mongwe, go se ditulo; ba bile fao ge e sa le go tloga ka leselaphutiana mosong wola, ba nno leta go fihla kua bošego bjola. Gomme go bile le monna yo wa sefofu, o amogetše pono ya gagwe.

⁹ Gomme bošego bjo bo latelago, kudu, e ka ba gabedi bogolo bja pank a ye mo, eng kapa eng re ka e bitšago, eupša feela sefaleng, go be go no ba dikgopo go nyakile go ba bogodimo bjalo ka ge garetene yela e lekeletše, ka feela dišolo le dijase tša kgale, le tšeo batho ba bego ba di apere le go di lahlela godimo kua. “Feel a gore re ka e kgwatha!”

Bontši bohle ba be ba le Katoliki, nnete, fale ka Mexico City.

¹⁰ Gomme ke tsene ka gare, go beng Moprotellant wa mathomo a kilego a tla ka gare ka tlase ga taletšo ya sešole. Yeo e be e etšwa go Mojenerale Medina, mogwera wa rena wa go loka mo, Full Gospel Business Men.

¹¹ Ke elelwa bošego bjoo, go bile kgoeletšo ye e tšwago ka ntle. Gomme morwa wa ka o tlile go nna, a re, “Ke na le bonnyane diašara tše lekgolo masometlhano, goba go feta, ba eme kua, gomme ga ba kgone go thibela mosadi yo monnyane wa Mospanish. O na le lesele le le hwilego, le hwile mosong wo.” O rile, “Ga ba kgone go ntšhetša mosadi yola ntle.” O rile, “O tla namela godimo ga magetla a bona le se sengwe le se sengwe.”

Gomme ke rile, “Gabotse, e no e maatlafatša.”

O rile, “Ga ke na selo gape go maatlafatša ka sona.”

Ke rile, “Mo fe karata ya thapelo.”

O rile, “Ga ke na le e tee. Tšohle di filwe ntle.”

¹² Ke rile, “Ngwanešu Moore, eya go mo rapelela,” ke rile, “gobane ga a ntsebe.” Gomme ke rile, “Eya o mo rapelele. Gomme ke ya go leka go rapelela mokgobo wo mogolo wo wa diaparo, feela mo dinakwaneng di se kae.”

¹³ Gomme ge ke be ke sa eme fale, ke lebeletše ntle godimo ga batheeletši ka mokgwa wo, gomme pele ga ka go be go le lesele le lennyane la Momexican, le se na le meno, le no myemyela, thwi ntle ka pele ga ka. Ke rile, “Ema motsotso, Ngwanešu Moore.”

¹⁴ Gomme ba tlišitše moisa yo monnyane. Gomme mohumagadi yo monnyane a tla ka gare, a wela fase, ka sefapano ka seatleng sa gagwe. Ke boditše, ka ngwanešu, mohlattholi, go ba le yena a emelele.

15 Gomme ke rile, “Ngwanešu Moore, ga ke tsebe ge eba le ke lona, goba aowa, eupša ke bone lesea le lennyane le eme ntle pele ga ka, ka ponong feela bjale, le myemyela.”

16 O be a na le lona ka tlase ga le lennyane, lepae le bolou le bošweu la methaladi, le nno koloba go koloba. E be e no na. E be e ka ba ka iri ya lesome bošego. Lesea le be le hwile mosong woo, e ka ba seswai goba senyane, ka ofising ya ngaka, ka nyumonia. Gomme kafao o be a eme ka puleng. Moriri wa gagwe o be o le gohle tlase ka sefahlegong sa gagwe, gomme o be a le ngwana wa go ratega kudu. O be a lebega go ba mohlomongwe, lesea la gagwe la pele, thakana ya bomasomepedi. Gomme moisa yo monnyane o hwile.

17 Gomme ke nno bea diatla tša ka godimo ga lona, gomme ke rile, “Morena Jesu, ga ke kwešiše se, eupša go ya ka pono yela ke e bonego. . .” Gomme go se fete go bolela seo, o ragile le go goelela, gomme moisa yo monnyane o be a phela.

18 Gomme ke bile le Ngwanešu Espinoza. Ke ba bakae ba tsebago Espinoza, Ngwanešu Espinoza? O bile yena yo a e šetšego morago, go ofisi ya ngaka, o hweditše gore ke therešo, le a bona, yeo ke nnete, lesea le hwile mosong wola, go saena setatamente.

19 Gomme kafao bjale Yena ke Modimo wa go swana lehono, ge re ka no ba le mohuta wa go swana wa tumelo ka go Yena. Yeo ke nnete.

20 Tate wa rena wa Legodimong, re romele tumelo yela ya mosadi yola yo monnyane wa Momexican, lehono. O be a bone yo monnyane yola, monna wa sefoku a fodišwa, bošego pele. A eme ntle kua le lesea la gagwe, ka go yela ya go tonya, phefo ya go tšutla, le tšere nyumonia. Gomme mosong wo o latelago, ka leselaphutiana, le hwile ka ofising ya ngaka. Kgopolo ya gagwe ya mathomo e a tla, “Ge Modimo a kgona go fodiša mahlo a foufaditšwego, a kgona go utolla sephiri sa pelo, e sa le Lentšu la Modimo, ka gore Lentšu la Modimo le hlatha dikgopolo tšeo di lego ka pelong.” Gomme o tsebile gore O kgonne go hlatha dikgopolo tšeo di bego di le ka pelong ya gagwe. O Mo dumetše, le gore O kgonne go tsoša Latsaro go tšwa lebitleng, gomme O be a swana maabane, lehono, le go ya go ile. O tlile, gomme O mo putsitše, Morena, ka go mo neela morago lesea la gagwe. Le a phela lehono, bokgole bjo re tsebago. Re a Go leboga bakeng sa se.

21 Re šegofatše, lehono, Tate. Šegofatša batho ba le disakatuku tše le dijase di robetšego mo, le tšona. Gomme a nke Moya wo Mokgethwa wa Gago o tle bjale le go fa Lentšu la Modimo go rena. Re kgopela Leineng la Jesu. Amene.

22 Ke a tseba le na le kopano feela mo dinakwaneng di se kae, goba iri ya bohloano, ke a dumela. Gomme ka mehla seo se ka se mphe nako go thoma, eupša ke—ke sokologile go tšwa go seo, ke

a nagana, bjale. Ke lekile thata beke ye, ka tlase ga mogolo wa go baba, mohlomongwe seo se be se šomela mmogo go tše botse.

²³ Ke boditše batho letšatši le lengwe, ke—ke bile le seripa sa moriri, eupša ke be ke lewa ke dihlong go e apara ka baka la gore ke be ke goelela basadi kudu ka moriri wa bona. Gomme ke—ke bile le moriri wa ka o tšerwe ke esiti ya khaboliki. Gomme bošego bjo bongwe ba butše lebatlala, moya wo monnyane o dikologile go kgabola fa, gomme ga se ke nagane ke be ke eya go tla morago lehono. Ke rile, “Ge Oral Roberts a le fa, a ka ema hleng, ge a rata.” Ga se ešo a bonagala, kafao ke tla bala Lengwalo, gomme le nthapedišeng.

²⁴ Mokgethwa Mateo, tema ya 27, go thoma ka temana ya 11, ke duma go bala. Bjale theetšang sekgauswi ka kgonthe go palo ya Lentšu. Gobane, lentšu la ka ke lentšu la motho, le tla šitwa. Lentšu la Gagwe le ka se šitwe, kafao bjale theetšang sekgauswi ge re bala.

²⁵ Gomme pele, ge le sa phetla, ke tla rata go bega gore ngwanaborena, Oral Roberts, o ya go ba tlase ka Jerusalema, gape, Labohlano le le latelago bošego, ka fao bohle le nyaka go tla. O re, “Kae?” Yo mongwe o rile Florida e be e le naga ya tshepišo, ke a thanka nka kgona go bitša Tucson, Jerusalema. Phoenix e ka moeding, le a bona, gomme Jeriko e be e no ba tlase moeding go tšwa Jerusalema. Nka se tsoge ka tšwa fa ka mokgwa woo, a nka? Ngwanešu Oral Roberts o a bolela Labohlano le le latelago bošego gomme ke na le nnete bohle le tla thaba go mo kwa. Re tla thaba go ba le lena tlase.

²⁶ Tema ya 27, temana ya 11.

Gomme Jesu o eme pele ga mmušiši: gomme mmušiši a mmotšiša, a re, A o Kriste wa Bajuda? Gomme Jesu o rile go yena, Wena o a bolela.

Gomme ge a be a (ke kgoši) a pharilwe molato ke baprista bagolo le bagolo, le ke . . . gomme a se arabe sešo.

Ka gona Pilato a re go yena, A ga o kwe ke dilo tše kae ba di hlatselago kgahlanong le wena?

Gomme ga se a ke a mo araba le ka lentšu; gagolo go fihla mmušiši a maketše . . .

Bjale mo gona monyanyeng mmušiši . . . o be a fele a lokollela batho mogolegwa, yo ba bego ba tla mo rata.

Gomme nako yeo ba be ba na le mogolegwa wa go tsebalega, a bitšwago Baraba.

Kagona ge ba be ba kgobokane mmogo, Pilato o rile go bona, Ke mang yo le tla ratago ke le lokollela yena? Baraba, goba Jesu yo a bitšwago Kriste?

Ka gore o tsebile gore ba mo gafile bakeng sa mona.

Ge a be a le thwi fase go se, a dutše fase setulong sa kahlolo, mosadimogatša wa gagwe o mo rometše, a re, O se be . . . le selo go dira le monna yo wa moloki: gobane ke tlaišegile dilo tše dintši letšatšing le ka torong ka lebaka la gagwe.

Eupša baprista bagolo le ba bagolo ba phegeletše lešaba gore ba swanetše go kgopela bakeng sa Baraba, gomme ba fediše Jesu.

Mmušiši a araba gomme a re go bona, Ke ofe wa ba babedi le tla ratago ke le lokollela yena? Gomme ba rile, Baraba.

Pilato o rile go bona, Ke tla dira eng gona ka Jesu yo a bitšwago Kriste? Bohle ba re go yena, A a bapolwe.

Gomme mmušiši a re, . . . ke bobe bofe a bo dirilego? Eupša ba goleditše go feta, ba re, A a bapolwe.

. . . Pilato o bone gore a ka se kgone go fenya selo, eupša gore bokaone wona mukurukuru o dirilwe, o tšere meetse, gomme a hlapa diatla tša gagwe pele ga lešaba, a re, ga ke ne molato wa madi a motho yo wa moloki: lena e boneng.

Ka gona gwa araba batho bohle, gomme ba re, madi a Gagwe a a be godimo ga rena, le godimo ga bana ba rena.

Morago a ba lokollela Baraba: gomme ge a bile le Jesu a otlilwe, o mo gafetše go bapolwa.

27 Thuto ya ka lehono, ge nka e bitša yeo, lebaka la metsotso ye masometharo ya go latela, ke: *Re Tla Dira Eng Ka Jesu Yo A Bitšwago Kriste?* Gomme ka gona ke rata go bolela se, gape, “Jesu diatlang tša rena.”

28 Bjale, ke a dumela gore iri moo tiragalo ya rena e thomago, ke go bapa e ka ba go hlaba ga letšatši, ka holong ya kahlolo ya Pilato. Gomme ke ye nngwe ya dinako tša go nyamiša kudukudu, gomme ye nngwe ya dinako tše bohlokwa kudukudu, tša histori yohle. E bile phošo ye šoro kereke e kilego ya e dira ka go histori ya yona. Ba be ba sa tšo e dira, gomme bjale e lahletšwe ka difarong tša mmušiši, naga. Bobedi kereke le mmušo, gobane ba be ba le batho ba ba kgethilwego ke Modimo, ba biditšwe go ba bahlanka ba Gagwe, gomme setšhaba se be se swanetše go laolwa ke melao ya Modimo.

29 Gomme kereke e be e ganne Mesia wa bona. Le ge A be a tsebagaditšwe gabotse kudu go bona, ba be ba kgethile bokaone go dula le motlwae wa bagolo ba letšatši leo, go feta go dumela le le tloditšwego, Lentšu le le hlatsetšwego leo Modimo a ba tshepišitšego lona makgolo a mengwaga, go tla.

30 A le hlokometše, gape go profetilwe gore ba tla foufatšwa? Ga se ba kgone go kwešiša se, le ka fao ba tla foufatšwago, eupša ba bile.

31 Gomme ba be ba dirile phošo ya bona ye kgolo, gomme letšatši le ba be ba dirile pontšho ya bona ya mafelelo ya yona. Gomme bjale ke ka diatleng tša mmušo, gomme bjale mmušo o swanetše go dira kgetho ya wona. Dikereke di be di šetše di Mo ganne, le ge Modimo a netefaditše ka go tsenelela gore O be a le Mesia wa bona.

32 Bjale ke nyaka go tšea feela dinakwana di se kae pele re fihla tlase ka go se, go sehlogo le go ya pele, gore ke na le dinoutse ke di ngwadilego mo ka yona. Batho bale ba ka be ba paletšwe bjang go bona seo? Selo se tee Lengwalo ka go hlaka le se bolelago, “Ba be ba foufetše.” Eupša go thata go ba dira ba kwešiše ba foufetše, feela bothata bjalo ka ge go le lehono.

33 Mola, Beibele e re botša gore moloko wo o “hlobotše, o a šokiša, o a diila, le go foufala, gomme ga ba e tsebe.” Bjale, leo ke Lengwalo. Bjale o botša rena batho ba Amerika gore re foufetše, re tla go botša thwi ka pela ga o tsebe se o bolelago ka sona.

34 Eupša ke ya go le tliša tshekong morago ga sekgalela se, go hwetša ge eba re foufetše goba aowa. Gomme re na le Jesu tshekong, morago ga sekgalela se, le Madi a Gagwe diatleng tša rena, gomme bjale re nyaka go bona se re yago go se dira ka yona. A re tla dira phošo ya go swana yeo ba e dirilego nako yela?

35 Hlokomelang se se diregilego. O be a tsebagaditšwe ka go hlaka, le go phethagatša ofisi yeo Modimo a rilego O tla e phethagatša, bjalo ka Mesia. Go be go se potšišo ka yona. Ka gore, O tswetšwe ka tsela ye Modimo a rilego O tla tswalwa. O gannwe ka tsela ye Modimo a rilego O tla ganwa. O be a inetefaditše Yenamong go ba Mesia, gobane Mesia o be a le Modimo. *Mesia* go ra “yena motlotšwa.” Gomme O be a tloditšwe ka—ka botlalo bja Modimohlogo, mmeleng bo dutše ka go Yena. O be a sa no ba moprofeta. Efela, O be a le Moprofeta, eupša O be a feta moprofeta. O be a le Modimohlogo mmeleng a dula ka go motho a tsebja bjalo ka Morwa wa Modimo. Modimo, Tate, o apešitše kgarebe moriti le go hlola ka go yena, Madi, ka popelong ya gagwe, sele ya Madi ye e tlišitšego pele Morwa wa Modimo, yo Modimo a bego a dula ka go yena.

36 Gomme O tsebagaditšwe go bona, bjalo ka ge A rile O be a le Mang, eupša ga se nke A tla thwi ntle le go ba botša, “Ke nna Morwa wa Modimo.” Aowa, aowa. Ba swanetše go dumela seo. O rile, “Mediro ya ka e paka Yo Ke lego.” O ba laetše, “Lebelelang ka Mangwalong,” gomme le bone ke letšatši lefe ba bego ba phela ka go lona, gona ba tla tseba se A bego a le sona.

37 Ke nagana go tla re swanela go dira se, bjalo ka ge re bona khudugo ye nngwe e batametše. Ke nagana re swanetše go lebelela, le go puruputša Mangwalo, ge re bona dilo di tsoga.

38 Re a hlokomela gona gore kereke e dirile sephetho sa bona, gore ba be ba sa nyake selo go dira le Yena. Gobaneng, ge Lentšú le Mo tsebagaditše ka go nepagala, gomme mediro ya Gagwe e hlatseditše gore O be a le Mesia? Sa go šiiša bjalo, selo sa tšhoganetšo, phošo, yeo kereke yela e e dirilego!

39 Gomme ke a makala ge go ka kgonega gore re ka dira phošo yela ya go swana? Ba be ba filwe sebaka sa bona sa mafelelo go bona se A bego a le sona, le go Le amogela. Bjale, ka mehla o ka se be le sebakabotse go amogela se Modimo a se romelago. Le a bona, kgotlelelo ya Gagwe mafelelong e a fela, gomme ka gona o tshela mothalo wola gare ga mogau le kahlolo. Ga go selo se šetšego eupša kahlolo ge kgotlelelo ya Modimo mafelelong e fela.

40 Eupša ba be ba filwe sebakabotse se, gomme ba Mmone a itsebagatša Yenamong, go Mmona mo sedibeng le mosadi, le go mmošša gore o bile le bannabagatša ba bahlano. Ba bone Nathaniele a etla godimo go Yena, morago ga ge Filipi a ile le go tliša Nathaniele ka Bogoneng bja Gagwe, gomme O boletše le go bolela tlwa o be a le mang le moo a tšwago gona. O boditše Šimone Petro tatagwe e be e le mang, le gore leina la gagwe e be e le mang. Gomme ba be ba se na le moprofa lebaka la makgolo a mengwaga.

41 Gomme ebile le mosadi yo monnyane yola wa mmalegogwana o lemogile Lentšú la Modimo. O be a se a hlakahlakana gohle ka go se sengwe. Yena, yena, gabotse, monagano wa gagwe e be e se ohle, se re ka go se bitša, ge le ka swarela tlhagišo go tšwa go se, “sethotho,” a kitimela *fa* le go kitimela *fale*. E be e le monagano wa kgarebe, bokgole bjoo go amegilego. O rile, “Re a tseba Mesia o etla, gomme se ke se A tla se dirago.”

Gomme O rile, “Ke nna Yena.”

42 Gomme ka pela a kitima, a botša monna ka toropongkgolo, “Etlang, bonang Yena, yo ke yena Mesia.”

43 Gobaneng, barutiši bale le batho ba letšatši lela ga se ba kgone go bona seo. Ke, go tla ba bothata go bona ge eba le ka se tsebe Mangwalo. Eupša Lengwalo le rile, “Ba be ba fufaditšwe.” Gabotse ba be ba fufaditšwe. Eupša ba kgethile, a ke re, sebakeng sa Jesu yola wa go ratega, go . . . Re kwa kgoeletšo e etla ntle, “Mmapole!”

44 Pilato o rile, “Ke tla dira eng ka Jesu yo a bitšwago Kriste?”

Ba rile, “Kgole le Yena! Mmapole!”

“Ke tla le lokollela mang, Baraba goba Jesu?”

45 Gomme ba dirile phošo ya go šiiša ka go kgetha mmolai sebakeng sa mofi wa Bophelo. Yena yo a tsebagaditšwego bjalo ka mofi wa Bophelo, ba kgethile mmolai yo a tsebagaditšwego bjalo ka motšei wa bophelo. A phapano! Gomme ke a makala ge eba . . .

46 Ke bolela se ka ditlhompho tšohle tša bomodimo go baena ba ka le dikgaetšedi tša ka, le bakeng sa banna le basadi ba letšatši le, ba ke ba rerelago, ka lerato ka pelong ya ka go batho bohle: ke a makala ge eba ga re komana go bona selo sa go swana bjalo ka ge ba bone nako yela! Mmušo o be o amegile ka go se, gomme ta—ta taba e be e kगतlampana. Potšišo e swanetše go rarollwa. E bile ka go makgaolakgang.

47 Go bile bjalo lehono, go bjalo le ka go iri ye! Makgaolakgang a a kगतlampana! Se sengwe se swanetše go dirwa, o swanetše go re “ee” goba “aowa.” Eupša, elelwang, e ka se be ge o gapeletšwa go e dira. O swanetše go e dira go thato ya gago ya tokologo ya maitshwaro bjale. Bjale! E sego ge nako yeo e direga; ge e dira, go fedile. Bjale! Le e ka no ba letšatši la mafelelo o tla bago le nako ya go dira kgetho. O ka se kgone go e dira nako yeo, o šetše o e tšere; e kgole kudu, ka nako yeo. O swanetše go e dira bjale. Le se ke la leta go fihla motsotso wa mafelelo, gobane sekepe se tla gogela ntle le go le tlogela. Mabati a tla tswalelwa.

48 Batho ba bantši ba ka be ba tlile ka arekeng ge ba ka be ba tsene ka fale, ge pula e thomile go wa. Eupša taba e dirilwe, Ebangedi e rerilwe, maswao a laeditšwe; gomme nako e be e fedile, pula nako yeo e be e ewa, kahlolo e be e kगतlampana.

49 Bjale, setšhaba ka moka se ile sa swanela go Mo gana, ka gobane se be se bitšwa, bjalo ka ge re ka bolela lehono, “setšhaba sa Bokriste,” boka se se bitšwa setšhaba sa Bokriste. Kagona, ge se be se bitšwa setšhaba sa Jehofa, batho ba Gagwe ba ba hlaotšwego, gona setšhaba ka moka se ile sa swanela go Mo gana. Kereke e be e šetše e Mo ganne. Kereke e be e Mo ragetše ntle. Ba be ba sa nyake selo go dira le Yena, eupša bjale mmušo o amegile ka go yona.

50 Kafao go morago gape, e morago thwi ka difarong gape, ka Lengwalo le robotše mo, le tsebagaditšwe, feela tlwa se Jesu a rilego se tla direga. Gobaneng re thekesela go ya pele ka go diiri tše tša leswiswi? Gobaneng re dumelela se go tla godimo ga rena, ge re se boditšwe ka go tsenelela? Feela bjalo ka ge go bile ka matšatšing a Loto, re bona sona selo sa go swana. Jehofa o beile lefelotiragalo, gomme o re boditše, “Bjalo ka ge go bile matšatšing a Loto!” Le bona batseta ntle mošola ka Babilonia, ba leka go ntšhetša Loto ntle; gomme le bona Molaetša go Mokgethiwa, Abraham, yoo a bego a šetše a le ntle. Gomme se sengwe le se sengwe, tlwa, go leina, lefelo, le nako, se tsebagaditšwe ka go tsenelela.

51 Eupša bjale se ka diatleng tša mmušo. Mmušo o swanetše go se ahlola bjale, gomme ba ya go se dira. Le se tshwenyege ka seo. Ke setšhaba sa Bokriste, se swanetše go tšea go emaga sona ga Bokriste, ge se le. Makgaolakgang a a kगतlampana.

52 Setšhaba ka moka se be se swanetše go tlišwa ka kahlolong. Gobane, e diregile e ka ba A.D. 70, ge mogenerala yo mogolo wa

Roma, Titose, a rakeletše Jerusalema, e ka ba A.D. 70, le madira a gagwe go tšwa Roma, gomme fao ba lefile poreisi bakeng sa go Mo gana.

⁵³ Lehono, ge re lebelela godimo ga tsheko yela kua, gomme re ya ntle mo le go e ekiša ka ditsela tša go fapana, tša ditsheko ka Labohlano le Lebotse, le go bolela ka yona, le dilo. Gomme sona selo sa go swana seo re bolelago ka sona, seo se diregilego ka Labohlano le Lebotse lela, se thwi ka tlase ga dinko tša rena lehonon! Gomme bagolo ba rena ba dira selo sa go swana ba se dirilego, ba se tšeela thwi ka gare go moleko wa go swana, ka morago ga go Lentšu le le tshepišitšwego la letšatši le le hlatsetšwe go no swana le ge le hlatsetšwe kua.

⁵⁴ Jesu, “mošemane wa go tlwaelega wa mmetli,” a gopotšwego bjalo. O be a le Lentšu la Modimo le dirwa go bonagala. Gomme O be a tsebagaditšwe ka go tsenelela, gobane mediro ya Modimo e be e iponagaditše yonamong ka Yena, le go netefatša gore O be a le Mesia.

⁵⁵ Gomme, lehonon, taba yeo ya go swana e tlile gape, ge Moya wo Mokgethwa o tlile godimo ga rena ka matšatšing a mafelelo le go itsebagatša Yenamong thwi ka kerekeng ya rena, gomme o netefaditše mediro ya go swana ye A e dirilego ge A be a le mo ka botlalo godimo ga Jesu Kriste. O dirile selo sa go swana godimo ga Monyalwa, a dira selo sa go swana, gomme go le bjalo re nyaka go O fediša.

⁵⁶ Elelwang, tše ke ditheipi tše di dirilwego bjale, tše di yago godimo ga lefase, e sego feela go Phoenix mo. Ke bolela le seripa sa lefase, ka nako ye, gobane re ne kgwebo ya theipi yeo e yago go dikologa lefase.

⁵⁷ Hlokomelang, lehonon re na le tsheko ya go swana, ka morago ga Lentšu la go swana le le tsebagaditšwego. Bahebere 13:8, “Jesu Kriste wa go swana maabane, lehonon, le go ya go ile.” Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.” Mateo 28, “Lefase lohle, rerang Ebangedi go sebopiwa se sengwe le se sengwe.” “Bonang, lebakana le lennyane gomme lefase ga le sa Mpona gape; efela lena le tla Mpona, gobane Ke tla ba le lena, ebile ka go lena, go fihla bofelong bja lebaka.” “Jesu Kriste wa go swana maabane, lehonon, le go ya go ile!”

⁵⁸ Ba kgethile lehonon, e sego feela mmolai, eupša mmolai wa Lentšu, sathalaete go yena mmolai wa mathomo.

⁵⁹ Ge bona, baapostola ba be ba rera Ebangedi, gomme ba tla tlase ka Irenaeus, le bontši bja bampshafatši ba bagolo le bathomi morago ka go lebaka la pelepele, e tlile go Nicaea, nako ye nngwe, bakeng sa makgaolakgang, gomme ba tšere sephetho go dira kereke ya lefasetšekelele, go gapeletša batho go tla ka tlase ga taolo ya bona. Ba bantši ba ba badilego histori kua, ba a tseba baprofeta ba bantši ba kgale ba tlile kua ka letlalo la

phoofolo le phuthetšwe go ba dikologa, ba eja digwere feela le dilo, gomme ba lekile go swara ntle bakeng sa Lentšu lela, ba swara bakeng sa Lentšu la Modimo. Eupša ba dirile eng matsatši ale a lesometlhano a dipolitiki tša madi? Mafelelong ba tšere sephetho go dira kereke ya lefasetšekelele, gomme ba hlomesetša bohetene tsoko le Bokriste, le go e bea ntle bjalo ka kereke ya lefasetšekelele.

⁶⁰ Gomme, lehono, Maprotestant ba itahlela bonabeng mmogo ka go Khansele ya Mohlakanelwa, ba dira selo sa go swana, ba hlomesetša ka motlwaie wa motho, gomme sebakeng sa go tšea Lentšu la Modimo le le tsebagaditšwego ka go tseanela ka Moya wo Mokgethwa, gore O a swana maabane, lehono, le go ya go ile. Kereke e eme ka sekaleng, lehono, gomme e hweditšwe e hlaetša. Le morago ka holong ya kahlolo ya Pilato. Ee, mohlomphegi.

⁶¹ E dira eng? E direla sebata seswantšho. Ke sathalaete go Roma. Ge Khansele ya Mohlakanelwa e gapeletša, gomme e tla gapeletša kerekeleina ye nngwe le ye nngwe ya Protestant ka go yona; gomme ka kgonagalo yohle e gona bjale, Full Gospele le tšohle. Iri e ya go tla ge di tla swanela go tla goba go dula ntle, gomme, ka nako yeo, ge kgapeletšo yela e etla, o šetše o itsebagaditše wenamong le leswao la sebata. Bjale, seo ke tlwa.

⁶² Ke eng? Bommalegogwana ba Protestant le mme wa kgale, Roma, seotswa! Kutollo 17 e rile o be a le “MMAGO BOMMALEGOGWANA,” tlwa, dikerekemaina tša Protestant; a swere ntle ka seatleng sa gagwe komiki ya bogale bja—bja Modimo, go yena go thousta, bopaki bja gagwe, “se ke se re se dumelago,” gomme yo mongwe le yo mongwe, “se ke se re se dumelago.”

⁶³ Sese se Kereke e lego go se dumela, Lentšu la Modimo, “gomme a nke lentšu la motho yo mongwe le yo mongwe e be maaka.” Seo ke se e swanetšego go ba sona.

⁶⁴ Eupša re tliša Kriste gape go iri yela ye kgolo ya tlaelelo yeo A emego ka go yona, ka holong ya kahlolo ya Pilato; ka go go diragala, sehlopha se sennyane se kgoromeleditšwe thoko go lehlakore le tee, ka hlogo ya go inama. Dikerekemaina tše dingwe di ba ganne, di ba ganne, le go ba gana, le go re, “Le se be le selo go dira le Yona!” Bokaone o hlodišise go Lentšu. Bjale re hwetša, Khansele ye ya Mohlakanelwa e. . . E dira eng? E, Beibele. . .

O re, “A Beibele e bolela ka seo?” Ee.

⁶⁵ “Ba na le sebopego sa bomodimo, eupša ba gana Maatla a bjona.” Ba foufetše, ba hlobotše, bayakerekeng, ba na le sebopego sa bomodimo, eupša ba gana Maatla a Moya wo Mokgethwa ao a tsebagatšago Jesu Kriste go Lentšu la Gagwe. Motho a ka kgona bjang go tleleima go ba le Moya wo Mokgethwa gomme a gana lona Lentšu e lego Moya wo Mokgethwa? Monna a ka kgona bjang go dira seo? Bopaki bja gagwe mong bo fa bohlatse gore ga se se a swanetšego go ba sona, ba dira bootswa

bja semoya, ba gana Maatla a Modimo. Paulo o rile, ka go Timotheo wa Bobedi, tema ya 3, seo ke se e tla bago sona, o rile, “Ba ba hlogothata, monagano wa godimo!”

⁶⁶ “Ke na le grata ya bongaka, Ph.D., LL.D.” Go nna, seo se kgole go tloga go Modimo go feta ka mo o bego o le ge o be o thoma. Ee, mohlomphegi. Seo se no go tloša go Modimo, ga se go tliše go Modimo. Selo se tee feela se ka go gogelago go Modimo, gomme woo ke Moya wo Mokgethwa, ka Lentšu la Gagwe.

⁶⁷ Moya wo Mokgethwa ke khamphase. Naledi ya Leboa ke Lentšu. Gomme khamphase e tla šupa feela go Naledi ya Leboa. Gomme Moya wo Mokgethwa o tla no go šupetša go Lentšu, e sego mosepelo wo mongwe wa mohlakanelwa, e sego kerekeleina tsoko, eupša go Lentšu la Modimo. Le a elelwa, dinaledi tše dingwe tšohle di šutha le lefase, eupša Naledi ya Leboa e dula tlwa, gobane e ka bogareng. Gomme lentšu la motho yo mongwe le yo mongwe le tla šitwa, eupša Lentšu la Modimo le ka se šitwe. Ke Naledi ya Leboa, e tseparetšego, E ka se šuthe le lefase. Ga go kgathale moo lefase le lego, E dula e swana maabane, lehono, le go ya go ile. Gomme Yena ke Lentšu!

⁶⁸ Ngwanešu le kgaetšedi, ke a go kgopela, ka Leina la Jesu, go šetša Le. Le ntumetše ka go se ke se boletšego ka go mengwaga ye. Ge Modimo a netefaditše se ke se boletšego e bile Therešo, e sego nna, e bile Lentšu la Gagwe le le e dirilego, gona ke a go kgopela, ka Leina la Jesu, go hloidišiša go Le. O se ke wa fofala go dilo tše; e thwi godimo ga gago.

⁶⁹ Elelwang, Beibele e rile, ka go Mateo 24:24, gore bohle bao maina a bona a sego a ngwalwa ka Pukung ya Kwana ya Bophelo, go tloga motheong wa lefase, ba tla tšea leswao le. Ke feela Bakgethiwa, ba ba beetšwego go Le bona, ba tla Le bonago. Ka moka ga bona ba tla Le foša dimaele tše milione.

⁷⁰ Re bona mosepelo wo mogolo wo o beakantšwe bjale, motšhene wo mogolo wa Sathane o beilwe ka lenaneo. Selo se nnoši o se hlokago ke . . . O na le dikgerekgere, o nno letela maatlatshapedišo a wona go o bea ka kgapeletšong. Mosepelo ke phuthego yohle, khansele ye kgolo le selo. Motšhene wo mogolo o dutše fale, eupša ba letile bakeng sa iri ge sekhurumelo se theoga, gomme ka gona ba ka kgona go e dira, le go e gapeletša, go e dira molao. Lebelelang dikgašo le dilo tše re di kwago lehono, godimo ga seyalemoya le dikuranta. Gobaneng, e thwi godimo ga lena bjale.

⁷¹ Ga re na le nako ya go dira selo gape eupša go amogela Jesu Kriste. O tsebagaditšwe ka go tsenelela.

⁷² Theetšang, re bolela ka motšhene wo mogolo wa Sathane godimo kua, o komana go sepela, yeo ke nnete, go šilaganya; eupša, elelwang, mohlape wo monnyane wa Modimo wo o dumelago Lentšu, dikgerekgere tša wona di komana le tšona. O loketše Maatlatshapedišo go o gotetša ka Moya wo Mokgethwa.

“Se boife, mohlape wo monnyane, ke thato botse ya Tate go go fa Mmušo.” Moya wo Mokgethwa o tla ratha Kereke ye nnyane ye e tšwago lefaseng, basadi ba ba aparago moriri wo motelele, Monasare, go netefatša ba ikarogantše bonabeng go tloga go . . .

⁷³ Monasare ke yena yo . . . Eng? Yena yoo a ikaroganyago bonabeng, bakeng sa Lentšu la Modimo; e sego go apara dišothi, difahlego tša go pentwa, boIsabele, ba ipitša Bakriste bonabeng; aowa, mohlomphegi; monna, wa go tšewatšewa, yo a tla emelago kerekeleina, le go swarelela go mosela wa jase ya bona, ya Kesara tsoko goba Herode, sebakeng sa go emela Lentšu la Modimo. Eupša Modimo o na le batho ba go botega, mohlape wa mmapale wa Modimo, ba ba sa tshwenyegogo se lefase le se bolelago. Ba a dumela gore Jesu Kriste o a swana maabane, lehono, le go ya go ile.

⁷⁴ Se ga se sa tuma. Se go dira wa go se tume, eupša ke Therešo! Ke taelo ya Modimo go sona go dirwa, gomme Modimo o tla se dira. Modimo a le šegofatše. Ga go re go le omanyane, eupša go le sebotša. Go kaone go tlabolwa go phala go tšhungwa, ka nako efe kapa efe, kafao tšeang tshebotšo. Moya wo Mokgethwa o bolela ka go matšatši a a mafelelo.

⁷⁵ Bohle ba ngwadilwego ka Pukung ba tla e phonyokga. Bjale re hwetša, mohlape wo monnyane o komana bakeng sa Maatlatshepedišo go E sepedišetša godimo ka lefaufaung, go phonyokga tlaišego ye yohle.

⁷⁶ Yo mongwe o rile, letšatši le lengwe ge ke be ke bolela, o rile, “Ngwanešu Branham, ga o dumele gona kereke e tla ya go kgabola tlaišego?”

⁷⁷ Ke rile, “Ke a dumela kereke e tla dira, eupša e sego Monyalwa.” Kereke e tla ya go kgabola tlaišego, ee, mohlomphegi, eupša Monyalwa o lokologile go tšwa go yona. O tla ya ka Tlhatlogong, ka nakwana, ka go panya ga leihlo. O tla ubulelwa godimo go kopana le Morena wa gagwe sebakabakeng, bakeng sa Selalelo sa Monyanya. Ga a ne selo go ya go kgabola tlaišego e ka ba efe ka sona; Morena wa gagwe o lefile tefo ya gagwe. Re leboga seo kudu. Ee, mohlomphegi.

⁷⁸ Ka morago ga go ganwa, ke bobedi kereke le setšhaba, go bile le sello se tee feela se tlogo, mosepelo wa go latela, e bile, “Le lahleng!”

⁷⁹ Seo ke sello sa go latela re nago le sona. Kereke ka go tia e ganne Moya wo Mokgethwa. Re a tseba e dirile. Oo, maloko a tšwile go se sengwe le se sengwe, yeo ke pitšo ye kgolo, Presbyterian, Methodist, Baptist, Lutheran; eupša kereke, ka boyona, kerekeleina, e ka se kgone go šutha. Aowa, mohlomphegi. E šetše e dirilwe kerekeleina. Selo sa yona ke eng bjale? “Le bapoleng! Le bapoleng!” Eng? Go bapola, ka boswa, (eng?) Lentšu le le hlatsetšwego, go ba Therešo. Lentšu la Modimo, go bapolwa, ka boswa. Feela bjalo ka ge Efa a sentše

lefase ka moka la nama, ka go gana nthatana e tee ye nnyane ya Lentšu la Modimo, kafao kereke e dirile selo sa go swana.

⁸⁰ O ka no re go nna, “Ngwanešu Branham, o na le tlhathollo ya go fošagala ya Lona.” Gabotse, seo ke go kgopolo ya gago.

⁸¹ Modimo ga a nyake mohlatholli yo a itšego. Modimo ke mohlatholli wa Gagwe Mong. Seo ke se bothata bja yona e lego, lehono, re na le bahlatholli ba bantši ba madirwakemotho. Modimo o kgona go hlatholla, Yenamong. Bohlatse bja Gagwe Mong bja Lentšu la Gagwe ke tlhathollo.

⁸² Bafarisei ba ka no ba ba goeditše, le bona, “Re na le tlhathollo!” Basadutsei ba re, “Re na le yona!” Eupša Jesu o be a le tlhathollo. Amene.

⁸³ Ponagatšo ya maatla a Modimo a a utolotšwego, a a tshepišitšwego, ke bohlatse. Balang Mangwalo gomme le bone se kereke e swanetšego go ba sona lehono. Ee, mohlomphegi. Modimo ga a hloke mohlatholli e ka ba mang.

⁸⁴ Seo ke se ba se dirilego go Jesu. Ba hweditše, morago kua, gore ba naganne O be a se na tlhathollo. O be a le tlhathollo. Modimo o be a se a swanela go Le hlatholla. Bophelo bja Jesu bo hlatholotše. O rile, “Puruputšang Mangwalo, ka gore ka go Wona le nagana le na le Bophelo bjo Bosafelego; Ke Wona a pakago ka Nna. Gomme ge Ke sa dire mediro ya Tate wa Ka, gona se Ntumeleng. Ge mediro ye e boletšwego ka letšatši le, e sa iponagatše ka Boyona ka go Nna,” O rile, “gona le se e dumele.”

⁸⁵ A E e dirile? Modimo o rile, “Kgarebe e tla ima,” gomme o dirile! A le a e dumela? Nnete; eupša ga se ba ke. “Kgarebe e tla ima,” gomme o dirile. Le rile, “Dihlotša di tla sepela, difofu di tla bona,” le se se tla diregago. Le netefaditše gore Ba tla e dira, gomme Jesu e be e le ponagatšo.

⁸⁶ Moshe o rile, “Morena Modimo wa lena o tla tsoša Moprofeta, boka nna.” Lentšu le tla go moprofeta. Gomme, moprofeta, Lentšu ke mohlathi wa dikgopolo tša pelo. Ge ba Mmona a dira tlhatho yela, ba rile, “Yo ke Beletsebubu, mmolelelamahlatse.” Leo ga e no se fete leina le ba le hlomilego go Yena. Selo sa go swana lehono, se bitšwago “mopshikologimokgethwa,” goba se sengwe boka seo. Yeo ke nnete. Le ge . . .

⁸⁷ Yena ga a hloke tlhathollo. O be a le tlhathollo. Modimo o e netefaditše ka Boyena. Ke mang montho yola wa modiradibe lehono, goba e bile mang motho yola wa modiradibe nako yela, yo a bego a tla gana gore Lentšu le be le se la hlathollwa?

⁸⁸ Jesu o ba kgopetše, o rile, “Puruputšang Mangwalo. A paka gore Ke nna Mang. Ke tlhathollo. Ge bophelo bja Ka bo sa hlatholle se Ke bolelago ka sona, gona le se Ntumele.”

⁸⁹ A mang motho wa sebe a ka bago lehono, yo a bego a ka kgona go lebelela ka sefahlegong sa Beibele le go bona ge eba Moya wo Mokgethwa ga se mohlatholli wa Lentšu lehono, a itira

Yenamong go tsebja ka diponagalo tša ditshepišo tša dimpho, le dilo tše A tshepišitšego go di dira mo letsatšing le? Maleaki 4 e phethagaditšwe, ohle Mangwalo ka moka a phethagatšwa, le go e bona thwi fa mo bofelong bja nako! Ga o hloke monna yo a itšego go Le hlatholla. Aowa, mohlomphegi. Le itlhatholla ka Bolona. Le a netefatša Ke Molaetša wa iri! Sokologang gomme le retologe le go Modimo, lefase lohle! Lena dikereke, sokologang gomme le retologe go Modimo! Le se leke go Mo hlatswa go tšwa diatleng tša lena, gobane le ka se kgone go e dira. Taba e thwi go ya pele bjale, bjalo ka ge go bile nako yela.

⁹⁰ O rile, “Puruputšang Mangwalo; A paka ka Nna.” Jesu o rile, “Mediro ya Ka ke mohlatholli wa Ka.”

⁹¹ O boditše Moshe, ge A kopane le yena godimo kua sethokgweng se se tukago, O rile, “KE NNA. Ke gopola tshepišo ya Ka. Ke eelwa gore Ke be ke tla tšeela bona batho ntle, ka seatla se maatla. Ke dirile tshepišo, gomme Ke ya le wena. Ke a go roma. O no ba seboleledi sa Ka, gomme maswao a tla hlatholla ge eba Ke go romile goba aowa.” Amene.

⁹² Seo ke se banna le basadi ba swanetšego go se lebelela lehono, tshepišo ya khudugo ye nngwe, le tlhathollo ya Lentšu la Modimo le dirwa go bonagala.

⁹³ Bothata bja seo, lehono, ba re, “Gabotse, kereke ya ka ga e dumele Se.” Molato ke eng? O phela ka moriting wa lebaka le lengwe. Tšona dikereke di be di lokile ka go mabaka a tšona, eupša go reng ka lebaka le? Le ke lebaka le lengwe.

⁹⁴ O ka se tsoge wa dira Wesley go dumela go Luther, go be go se tlhwekišo. Aowa, mohlomphegi.

⁹⁵ O ka se tsoge wa dira Pentecostal go dumela go Baptist, goba ka mokgwa woo, go ya morago go yeo. Ba hweditše se sengwe se sekaonana. Ba phetše seetšeng sa letšatši la bona.

⁹⁶ Gomme, lehono, Pentecost e kगतlofaditše le go dula fase thwi boka ba dirile, ke selo sa go swana tlwa. Gomme Lentšu le sepelela pele, gomme Le sepela thwi go tloga go bona. Yeo ke nnete tlwa, gobane re ba go thatafala kudu le go ba dikgokgorothwana kudu. Re dumelela dikereke tša rena go tsena ka go mohuta e ka ba ofe wa seemo, go ya pele thwi. “Ge feela re na le maloko, seo ke sohle se lego bohlokwa, gobane re na le bontši go feta re kile ra ba le bjona.” Re budulela ka seo.

⁹⁷ A nke ke le botše se sengwe seo e lego seema sa kgale, gore, “Diabolo o bala lešaba la gagwe, eupša Modimo o kala la Gagwe.”

⁹⁸ Yeo ke therešo, le yona, go le bjalo lehono. Modimo o go kala ka Lentšu la Gagwe, go bona ge eba o hweditšwe o hlaetša goba aowa. Ga ke kgathale ka mašaba, ke ba bakae, ga Le ratwe gakaakang. Ke Lentšu la Modimo le dirwa go bonagala go iri ye. Nnete tlwa. Ga ke kgathale ka mašaba, le ke mang a tlogo

gomme ke mang a sa dirego. Ke Lentšu la Modimo le bothateng, boka le bile kua ka holong ya Pilato ya kahlolo. Le kale, gomme o bone se re se hweditšego, moo re hweditšwego re hlaetšago. Ee, mohlomphegi. Re a dumela gore Jesu Kriste o a swana maabane, le hono, le go ya go ile.

⁹⁹ Re hwetša gore O boditše Moshe gore, “Ke tla ba le wena, gomme Ke tla no šomiša molomo wa gago. O ya go bolela mantšu bjalo ka ge Ke go botša, gomme maswao a tla itlhatholla onabeng.”

¹⁰⁰ Le a bona, Modimo ga a hloke mohlatholli. Oo, aowa, ga a swanela go ba mohlatholli. Go hlatholla ga Modimo go netefatša Yenamong. O boletše gore O be a le mohlatholli wa Lentšu la Gagwe Mong, gomme ke Yena. O e dirile, ka Moshe, gomme O a e dira le hono. Re a Mo tseba, ka Beibeleng, bjalo ka Elohim. *Elohim* ke “Yena Molekanela Gohle.” Ga A hloke keletšo ya motho. O ema a nnoši. Yena ke Modimo, gomme Yena ke Lentšu. Gomme ge Lentšu le tshepiša se sengwe, le go Le dira le tsebagatšwe pele ga gago, ke mohuta mang wa tlhathollo o e nyakago ka ntle ga yeo?

¹⁰¹ Oo, monna goba mosadi wa modiradibe, ke wena mang yo a ka kgonago go tsoaga gomme a bolela gore Ke phošo? Ge Modimo, ka Moya wa Mokgethwa wa Gagwe le Lentšu le le tshepišitšwego, a Le hlatholla ka sefahlegong sa yo mongwe le yo mongwe wa rena, ke rena bomang go bolela gore Ke phošo? Oo, motho wa modiradibe, o ka kgona bjang go dira seo? “‘Sebe,’ o ra eng ka seo, Ngwanešu Branham?” Gosedumele! Go ne sebe se tee feela, seo ke gosedumele. Ga go hlokege tlhathollo ya motho ya bošilo!

¹⁰² O hlatholla la Gagwe Mong. “Ke nna Morena,” O rile, “Ke Le bjetše; Ke tla Le nošetša, mosegare le bošego, ntle le ge bangwe ba ka Le utla go tšwa seatleng sa Ka.” Gape O rile, ka go Lengwalo le lengwe, gore, “O šeditše godimo ga Lentšu la Gagwe, go Le diragatša.” Go Le *diragatša*, “go utolla” Lona go (eng?) Bakgethiwa ba Gagwe, go bao ba rometšwego go bona, ba ba rometšwego go Le bona, ke ra gore. O Le diragatša go bao ba rometšwego go bona, go Le bona.

¹⁰³ O Le šeditše, o Le boloka go tloga go ditlhathollo tšohle tše tša senama tša bošilo, dilo tše, gore, “Ye ke nnete, le yeo ke nnete, le yela ke nnete.” Modimo o a rereša, motho yo a tsebagaditšwego wa Modimo!

¹⁰⁴ Bona bohle Bafarisei ba ka be ba eme, ba rile, “Ke rena ba Modimo! Re na le melao. Re na le se.” Gomme fale go be go eme Lentšu, ka Bolona. Ba rile, “Kgole ka Lona! Le bapoleng! Ga le itsebagatše ka Bolona le se re se dumelago.”

¹⁰⁵ Eupša Le itsebagaditše Lonamong le Lentšu. Amene. Bao ba bilego le mahlo go bona, ba Le bone. Bao ba bego ba fufetše ga se ba Le bona.

106 Ebile ba ka se e dire lehono. Yeo ke phetho. Ba a ya, ba šetše ba tswaleletšwe kgole ka bobona, ba bantši ba bona, go tšwa kgole go tloga go Lona.

Oo, ee, ka go Le phethagatša, go Le laetša go ba therešo!

107 Ba bangwe ba re, “Ke dumela bokaalo bja Lona. Ngwanešu Branham, nka kgona go dumela Beibele. Ke kwela Beibele bohloko. Ke nna mokwelabohloko wa Beibele. Ke dumela bjalo le bjalo. Ke dumela Jesu Kriste, Morwa wa Modimo. Eupša ke no se kgone go dumela yohle ya Lona, gobane kerekeleina ya ka e re ga Le bjalo.”

108 Gona ke mohuta ofe wa mohlatholli le nago le yena? Mohuta wa go swana woo Efa a bilego le wona, diabololo. O lekile go hlatholla Lentšu go Efa, gomme o rile, “Oo, *ye* ke nnete, gomme *yeo* ke nnete, eupša ka kgonthe . . .” Nnete, ke nnete! Se Modimo a se bolelago, Ke nnete! Ga ke kgathale Se bonala bontši gakaakang go ba bangwe. Ge Modimo a rile e ya go direga, e ya go ba ka tsela yeo. A o ka šomiša mohlatholli wa Efa? Oo, motho wa modiradibe, o ka kgona bjang go dira seo? Ee, mohlomphegi. Ba hweditše mohlatholli wa Efa.

109 Bohlatse, bjalo ka ge ke boletše letšatši le lengwe, re leka go bea bohlatse. Luther o rile, “Dumela, gomme o sepelele ntle.” Diabololo o a dumela, le yena. Wesley o rile, “Goelela, gomme o O hweditše,” eupša o hweditše ga se a dira. Pentecost e rile, “Bolela ka maleme, gomme o O hweditše.” Ga se a ke. Saense ya Bokriste e rile, “Lerato, o na le kenywa ya Moya,” eupša ga ba nayo. Ba gana Bokgethwa bja Jesu Kriste.

110 Bohlatse bja Wona ke eng? Ge moya wola o lego ka go wena o kgona go feleletša tshepišo ye nngwe le ye nngwe ka amene, gomme Modimo o tla e tššetša. Yeo ke tsela tlwa go bilego ka Jesu Kriste. Oo, ee. Ba bile le, ba bile le dikenywa tše dintši tša moya, ba bile le mehuta yohle ya mabohlatse. O ka se gatelele bohlatse e ka ba bofe tlase go e ka ba eng eupša Modimo Yenamong a bonagatša Lentšu la Gagwe. Bjoo ke bohlatse bja therešo bo nnoši bjoo bo lego gona gore o Mokriste. O ka kgona bjang go ba Mokriste ge . . .

111 “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena. Wa go swana maabane, lehono, le go ya go ile!” O be a le Modimo wa go swana yo a bego a le ka go Dafida. O be a le Yena wa go swana yo a bego a le ka go Moshe. O be a le Yena wa go swana a bilego ka go baapostola bohle. Gomme Ke Yena wa go swana yoo a bilego ka go Jesu Kriste, go iponagatša Yenamong fale bakeng sa Lentšu lela le tshepišitšwego. Gomme Yena ke Modimo wa go swana lehono, Lentšu la go swana, o lahlela Seetša godimo ga Lentšu la iri. Modimo re gaogele! Ee, mohlomphegi. Go

dumeleng Modimo go itlhatholla Yenamong, Lentšú le lengwe le le lengwe go hlatselwa! Ee, Yena ke mohlatholli wa Gagwe Mong.

¹¹² Ngwanešú, ke nagana ka iri! Nka kgona go dula go ye nako ye telele, eupša le na le kopano e etla. Ke a dumela, gomme ke ya go re, lehono; ge re sa šetše, O diatleng tša rena Maamerika. Naganang ka yona. Ke bolela se e sego bakeng sa pefelo; ke bolela se bakeng sa Seetša. Ke bolela gore Madi a Jesu Kriste a seatleng sa kereke ya Amerika lehono. Madi a Jesu Kriste a go Amerika, ka moka. Madi a Jesu Kriste a kgahlanong le Methodist, Presbyterian, Lutheran, Mapentecostal. A diatleng tša rena bohle. A re boneng ge eba a gona bjale. Naganang ka yona, Madi a Jesu Kriste! Oo, nna!

¹¹³ Gomme bjalo ka ge Pilato letšatši lela, go nkgopotša ditsela tše tharo tše Pilato a lekilego go A a tloša seatleng sa gagwe. O lekile ditsela tšohle tše tharo go A tloša seatleng sa gagwe, eupša o šitilwe. Go ne tsela e tee feela o A tlošago seatleng sa gago. A re boneng se a se dirilego. Pilato o lekile ditsela tše tharo tše, gomme tšohle di šitilwe.

¹¹⁴ Re swanetše go lebanya taba. Re a tseba e mo, ka gore Lentšú la Gagwe le tsebagaditšwe ke bohlatse bja Lengwalo. Lentšú le tshepišeditšwego letšatši le dirilwe nama, ebile go karolo ye mpe ya go gana Jesu Kriste; gomme Yena, ka go Lebaka le la Laodikia, ka ntle ga kereke. Re a tseba yeo ke Therešo. Naganang ka yona, Madi a Jesu Kriste, Morwa wa Modimo, diatleng tša rena. Lena . . . Seo se ntšhošitše, go nagana ka sona. Go kitima go Mo kgabola, go romela go tonya, go nagana, Madi a Jesu Kriste!

¹¹⁵ Ge, monna o tla bogela madi a mogagabo. Nako ye nngwe ka Chicago, e sego telele go fetile, mogwera wa ka o be a eme fale ge yo mongwe wa se—se seaparo sa Dillinger, goba e ka ba eng e bilego, a thuntšwe tlase mokgotheng. Batho ba be ba kgobokane, ka makgolo, gomme ba eme gohle go dikologa. Eupša, bona, ba dirile eng? Moo madi ale a bego a phatlaletše ntle mokgotheng, le molete wola wa kolo, yo mongwe le yo mongwe o sepetše go dikologa madi ale. Ba be ba ka se gate ka mading a mogagabobona. Oo, aowa, mohlomphegi. Ba gonona kudu ka ao.

¹¹⁶ Eupša ba tla sepela thwi go kgabola Madi a Jesu Kriste. Polelo ye ya kgale e sa le therešo, “Mašilo ba tla sepela ka dieta tša go tsatsampela moo Barongwa ba boifago go gata.” Yeo ke nnete, ba tla sepela thwi godimo ga Wona, ba re, “Matšatši a mehlolo a fetile. Seo se be se lokile go baapostola, eupša e sego go rena.” Oo, nna, o ka kgona bjang go e bolela? O gatakela ka tlase ga leoto Madi a Jesu Kriste ao o hlwekišitšwego ka wona! Oo, nna, naganang ka Madi diatleng tša rena!

¹¹⁷ Eng, madi a mogagabo motho. Ke nagana ka botelele go fetile, dibeke di se kae tša go feta, ge re naganne e be e ka se kgone go direga ka setšhabeng sa rena. Go reng ka moisa yo, Oswald?

A dutšego fale ka go sele yela, a e hlagahlagelago mphufutšo, ge eba a le ka monaganong wa gagwe wa maleba.

¹¹⁸ Gomme ke nagana ka monna yo a ka theetšago theipi ye, goba a dutšego a le gona mo, kae kapa kae, gomme a theetša Molaetša, a o dumelela; a o hlagahlagela mphufutšo, go tsebeng gore o swanetše go tla kahlolong le go arabela go Lentšu la Modimo, go arabela go Madi a Jesu Kriste, ao o tsebišitšwego go ona, diatleng tša gago, diatleng tša rena.

¹¹⁹ Hlokomelang Oswald a dutšego fale, a selo sa go befa se swanetšego go ba go yena, goba se ka bego se bile, goba ke a thanka se be se le, ge a naganne gore o tla lebanya Kgorotsheko ya Godimo ka pefelo ya go bolaya Mopresitente wa bona. Go ka se be le kgaogelo. Bohlatse e ka ba bofe ba ka kgonago go bo hwetša kgahlanong le yena, bo tla gatelelwa kgahlanong le yena. Majabajaba a menwana, sethunya, lefelo le a bego a le go lona, tšohle di tla tlišwa pele ga gagwe.

¹²⁰ Seo ke selo sa magareng go se e yago go ba sona go batho ba ba dutšego ka dikopanong tše gomme ba šetša Jesu Kriste a tsoga ka sebopego sa Sephedi sa Gagwe, gomme a itsebagatša Yenamong, gomme le sepela ntle ka ntle le go Mo amogela, le swaretše go thutotumelo tsoko ye nnyane, goba se sengwe seo le se bitšago se sennyane. Seo e tla ba selo sa magareng, ge o dula ka Bogoneng bja Modimo wa go befelwa, yo a gatakilego. . . lena ba le gatakilego Madi a Morwa wa Gagwe Mong, gomme le Mmapotše ka boswa ka monaganong wa lena, le fetoletše ditokelotswalo tša lena bakeng sa botsebalegi. E ya go ba selo sa go šiiša ka letšatši leo. E tla ba kgopolo ya go šiiša. O ka kgona bjang go dula ka go sele yela ya mphufutšo?

¹²¹ Lena badudi ba setlogo ka Afrika; lena ka Australia; Sweden; Switzerland; lena, ba le theetšago theipi ye: Le ya go araba bjang ka Letšatši la Kahlolo, ge ke be ke le ka ditšhabeng tša gabolena gomme le bone boitsebagatšo bja Jesu Kriste a tsoga magareng ga batho, le go inefatša Yenamong?

¹²² Mphufutšo, nna, o swanetše go be a e hlagahlagela mphufutšo! Oo, o be a ka kgona bjang go e dira ge a be a le ka monaganong wa gagwe wa maleba?

¹²³ Ke mohuta mang wa Modimo wa go befelwa o naganago go tla ba go bao ba gataketšego ka tlase ga leoto Morwa wa Modimo, gomme ba Mmapola ka boswa, gape?

¹²⁴ Hlokomelang, mofofiši, ge a lokela go tšea sefofane. Mofofiši o tla ntšhetša sefofane ntle, o tla lekola se sengwe le se sengwe pele a tloga, sedirišwa se sengwe le se sengwe. O tla ya ntle ka tseleng ya go fofa, le go ema ntle kua le go lekola mafegwana ale a diphego, a lekola dithibo tša gagwe tša gase. Se sengwe le se sengwe, sedirišwa se sengwe le se sengwe a nago naso, o se lekola gape le gape. Bontši bja lena le fofile ka difofaneng, gomme le a tseba yeo ke therešo. O lekola sedirišwa se sengwe le se sengwe.

Gobaneng? O na le madi a mogagabo godimo ga diatla tša gagwe. O nyaka go ba le nnete gore se sengwe le se sengwe se kgonegago se kitima gabotse.

125 Go reng ka ngaka ka karong, ge a tseba gore o ya go kara, go ntšha sešo goba pelo, goba se sengwe gape, gomme go dira karo godimo ga sona? Ge a eya go dira karo godimo ga mmele wa gago, o tla lekola pelo ya gago, o tla lekola kgatelelo ya gago ya madi, o tla lekola ge eba o na le mokgohlwane e ka ba ofe, o tla lekola seidibatši. O lekola se sengwe le se sengwe, gape le gape, le gape. Gobaneng? Ga a nyake madi a mogagabo godimo ga seatla sa gagwe.

126 Gomme ge ngaka le mofofiši, le go ya pele, ba ka lekola, kereke ya Jesu Kriste e swanetše go dira bjang, ge re bona dilo tše re phelago ka go tšona lehono? Bokaone re lekole. Madi a Jesu Kriste a ka tlogelwa godimo ga diatla tša rena.

127 Bjale a re tšeeng selo se tee, sekimi sa mathomo sa Pilato, e bile, “Ga ke hwetše pošo ka go Yena.”

128 Ka fao go lego magareng ga bontši bja dihlopha tše kaone lehono! “Ga ke hwetše pošo ka go Lentšu. Le lokile, eupša yeo e be e le ya baapostola.” Beibele e rile O a swana maabane, lehono, le go ya go ile! O re, “Beibele yela e lokile. Ke a dumela ba boletše ka maleme; ke a dumela ba leleketše bodiabololo ntle; ke a dumela ba hlathile dikgopolo; ke a dumela go bile baprofeta; eupša e sego letšatši le.” Oo, morena, motho wa modiradibe, bothata ke eng ka wena? Go direga eng ge Mateo 28 . . . 24:24 e robetše thwi morago? Bahebere 13:8 e fofela thwi morago ka difarong tša gago gape.

129 Pilato, ga se a kgone go A hlatswa go tšwa diatleng tša gagwe ka mokgwa woo. Aowa, mohlomphegi, A tlile thwi morago ka difarong tša gagwe gape. Kafao go tla dira go motho yo mongwe le yo mongwe, ge o eme le go bona Modimo a boloka tshepišo ya Gagwe.

130 Petro o rile, ka Letšatši la Pentecost, “Sokologang, yo mongwe le yo mongwe wa lena, gomme le kolobetsweng Leineng la Jesu Kriste bakeng sa go tlošwa ga dibe, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le bona ba ba lego kgole, le ba bantši ba Morena Modimo wa rena a tlogo go ba bitša.”

131 Bokgole bjo bokae? “Go lefase lohle, go setšhaba se sengwe le se sengwe.” O rile E be e le go setšhaba se sengwe le se sengwe. “Eyang lena ka lefaseng lohle.” Ga se ešo ya fihla fale. “Rerang Ebangedi go sebopiwa se sengwe le se sengwe. Maswao a a tla latela bona ba ba dumelago.”

132 O ya go hlatswa Leo bjang go tšwa diatleng tša gago? O ka se kgone go e dira. Le hlatseditšwe, gomme le lahletšwe thwi morago ka difarong tša lena. Le thunyetša morago, feela boka le

dirile go Pilato. Oo, ee, mohlomphegi, le tla thwi morago go wena gape, ge o bona Lengwalo le tsebagatšwa thwi pele ga gago.

¹³³ Sa bobedi, ge re tswalela. Sa bobedi, re hwetša, go bile tsela ye nngwe bjalo ka ge Pilato a lekile go dira, batho ba dira bjalo lehono, ba e fetišetša go boHerode le boKesara ba gagwe. Badiredi ba bantši ba bakaone lehono, Moepiscopalian, Presbyterian, Lutheran, Baptist, Mapentecostal, le go ya pele, ba tla Le fetišetša pele, “Motsemošate wa ka ke wona o ka se ntumelelego go e dira.” E thunyeditše morago. E thunyeditše morago gape lehono.

¹³⁴ Ga ke botšiše Assemblies of God, Oneness, kereke ya Modimo, Methodist, Baptist, Presbyterian. Ke a go botšiša, bjalo ka motho ka motho, o dira eng ka Madi a Jesu Kriste? Re tla dira eng ka Lentšu le le tloditšwego la Modimo leo le le lego thwi pele ga rena lehono, leo re tseba le swanetše go ba, ke Kriste, tshepišo ya iri? O tla dira eng ka Lona? E sego se kereke ya gago e se dirago ka Lona. Kesara wa gago le Herode wa gago ga ba ne selo go dira le lona. Seo ga se sa swarela Pilato. Aowa, mohlomphegi. Aowa, mohlomphegi.

¹³⁵ Bona Bafarisei go tloga letšatši lela, ba rile, “A nke Madi a Gagwe a be godimo ga rena, le godimo ga bana ba rena.” A gona. Yeo ke tlwa.

¹³⁶ Ke eng Yena, Jesu, a ba boditšego? “Le kgona go hlatha sefahlego sa mafaufau, eupša ga le kgone go hlatha maswao a nako.”

¹³⁷ Gomme, oo, ga ke bolele se bakeng sa Phoenix, eupša ke se bolelela e ka ba kae se nyakago go ya. Lena Bafarisei ba difofu! Le kgona bjang, le šomiša dimilione tša ditolara, le kgona go hlatha bokomonisi; eupša Lentšu la Modimo, le hlatseditšwe bakeng sa iri, ga le kgone go le hlatha? Le Le bapola gape. Le tseba tšohle ka bokomonisi; ge le tsebile Beibele ya lena, le ka be le tseba selo se swanetše go direga. Seo ga se kgahle go nna. Ke hloile bokomonisi. Ke hloile e ka ba eng kgahlanong le Modimo. Eupša se kgahlego ya ka e lego ke se, Kereke e le komana bakeng sa iri ye, bakeng sa go tloga ga Monyalwa.

¹³⁸ “Le hlatha sefahlego sa mafaufau, eupša maswao a nako ga le kgone go a hlatha.”

¹³⁹ Gomme mo tshekong ya Gagwe lehono, ke ka dikgorongtshenko tša Federale go dira Khansele ye ya Dikereke, le se sengwe le se sengwe. Le kgona go hlatha bokomonisi le dilo tšohle tše tšeo bareri ba rerago ka tšona; le go sepela thwi godimo ga maswao a nako, le go Le bitša “bohlangya,” ba Le bitša “go bala monagano,” goba se sengwe boka seo, gomme ba sepela, le go ganetša batho ba bona go tla ebile go Le kwa. Ge histori e se ya ipušetša yonamong, nna, leina la ka ga se William Branham. Nnete tlwa. Go ya go direga eng? Le lahlela

Madi a Jesu Kriste thwi morago diatleng tša gago, gomme le Le bitša “moya wa ditšhila,” boka ba dirile nako yela.

¹⁴⁰ Gohle go dikologa lefase! Ke a thanka le tseba se ke bego ke se ra nako yeo. Mogohle! Gobaneng le nkganne, ka Switzerland? Gobaneng le e dirile, Finland? Madi a ya go ba diatleng tša lena beng. Seo se godimo ga lena. E sego nna, ga se la tsoge la nkgana; le Mo ganne, e sego nna, gobane o rile, “Ga ke dumele go se *sebjalo*.” Lentšu le bolela se sebjalo! Ke lena bao. Bafarisei ba difofu, ba kgona go hlatha bokomonisi, go hlatha dilo tšohle tše, eupša, iri ye ba phelago ka go yona, ga ba kgone go e hlatha. Yeo ke nnete tlwa.

¹⁴¹ Bjale e kgauswi le go fihla ya yona (nna!) nepo ya mafelelo gape. Iri ya tšhoganetšo e fa gape. Ke eng? “Mmapoleng! Re tla dira. . . Bohle re ka se kgone go ba dira bohle Methodist; re ka se kgone go ba dira bohle Baptist; re ka se kgone go ba dira bohle Oneness; re ka se kgone go ba dira bohle Thrinithi; re ka se kgone go ba dira bohle *se, sela, goba se sengwe*; eupša re ka kgona go ba le khansele.” Moo, le ganana bokgole bjo Bohlabela bo lego go tšwa Bodikela, gomme selo ka moka se fošagetše. Ke disathalaete go Roma. Yeo ke nnete tlwa.

¹⁴² Bjale, bjalo ka motho ka motho, ke ya go le botšiša. O tla dira eng ka Lentšu le le tloditšwego le e lego Kriste, lentšu le le tshepišitšwego letšatši le? Wena, bjalo ka motho ka motho?

¹⁴³ Pilato ga se a tsoge a A tloša diatleng tša gagwe. Le tseba seo. O goleditše, a lla, le sekimi se sengwe le se sengwe a kgonneggo go se dira. O šitilwe go e dira. Go na le nonwane godimo ka Switzerland fao, moo a mat-. . . meetse a bolou a hlatswago, moo a ipolailego. Le tseba histori ya yona. Mafelelong a mo gafišitše, gomme o ipolaile. Gobaneng a se a sokologa? O be a ka se kgone go sokologa, go no swana le ge Esau a ka kgona go sokologa. O be a e dirile! Le se dumelele seo go direga go lena.

¹⁴⁴ O diatleng tša gago. Mediro e dirilwe, Beibele e a rerwa, Moya wo Mokgethwa o E tsebagaditše. Motho e ka ba mang wa modiradibe, o se tsoge wa re ga O bjalo, Moya wo Mokgethwa ka go matšatši a a mafelelo! Gomme Mantšu ao a boletšwego, a rile Le tla tla go direga, gomme Lona šele thwi pele ga rena.

¹⁴⁵ O se leke go e dira. O se dumelele bofelu bja gago go swana le Pilato. Aowa. A ka be a Mo amogetše ka pelong ya gagwe. Yeo ke tsela e nnoši o ka kgonago go Mo tloša diatleng tša gago, ke go Mo iša ka pelong ya gago. Oo, le se ke la dira phošo ye e swanago.

¹⁴⁶ Theetšang, Bahebere 10 e bolela se, “Ge re dira sebe ka boomo,” gosedumele ka boomo, “morago ga ge re amogetše tsebo ya Therešo, ga go sa na sehlabelo bakeng sa sebe.” Ge o dira sebe ka boomo morago ga ge E tsebagaditšwe go wena, gomme ka gona o a E gana, ka go felela ga o sebaka sa go tsoge wa sokologa.

¹⁴⁷ Motsotso feela, ke na le noute mo ke nyakago go e tliša go lena pele ga go tswalela.

148 Boka ditlhodi tseleng go ya nageng ya tshepišo. Ba be ba le ka go khudugo, be etšwa ka Egepeta, ba tšwela ka ntle ka Lentšu la Modimo le le tshepišitšwego. Modimo o dirile Lentšu la Gagwe go tsebja ka moprofeta, Moshe, o mo rometše tlase kua. O be a tsebagaditšwe gore O be a le Modimo go mo tliša ntle ka tlase ga maemo ao A tshepišitšego go ona, “KE NNA.”

149 Ge ba etla go mollwane, Kadese-banea, phošo ye kgolo ba e dirilego, ge ba fihla nageng le go lebelela mošola ka go naga ya tshepišo, ba rile, “Re ka se kgone go e tšea.” Lesome le lengwe e be e le eng? Ba lebeletše maemo, maemo a ba bego ba tla a loba. “Re ditšie, go lehlakore la bona.”

150 Eupša Joshua le Kalebe ba lekotše godimo. Ba ile morago go Lentšu, gomme Morena o rile, “Ke le fa naga ye! Ke naga ye botse, e ela maswi le todī.” Ga se ba bala se e bogegilego boka sona, se ye e bilego, le se bohlatse *bjo* bo bilego. Lentšu la Modimo le rile, “Ke le fa yona! Eyang le e tšee!” Gomme e be e le bona ba nnoši ba ilego ka gare.

151 Oo, a re lekoleng ditshepišo tša Modimo bakeng sa lehono. Yeo ke nnete. Elelwang, re ka go khudugo ye nngwe, nako; khudugo, nako ye, e sego ka go naga ya tshepišo ya lefase, eupša ka go Naga ya tshepišo ya Letago, moo go sego go bowa gape. Letago go Modimo, re ya go ba kua! [Lefelo la go se be le selo godimo ga theipi—Mor.]

A le tla e dira, ge re inamiša dihlogo tša rena?

152 Ke ya go botšiša potšišo ye ge monna le mosadi yo mongwe le yo mongwe ba homotše. O tla dira eng ka Jesu yo a bitšwago Kriste? A o tla Mo amogela? A o tla Mo tšea bjalo ka Mophološi wa gago? A o tla ba . . . Goba, a o tla Mo hlatswa go tloga diatleng tša gago? A o ka leka go fetišetša pele, “Gabotse, thutotumelo ya ka—ya ka ga e bolele Le,” goba, “kerekeleina ya ka ga e Le dumele feela ka mokgwa woo”? Le thwi diatleng tša gago. O ka se kgone go tloga go Lona. O tla dira eng ka Jesu yo a bitšwago Kriste? Madi a Gagwe a diatleng tša gago, ge e sa le beke ye ka kopanong.

A re rapeleng.

153 Morena Jesu, re thuše feela bjale ka go iri ye. A nke mogau le kgaogelo ya Gago di be le rena. A nke phuthego ye e bone, Morena, gore Wena o Modimo, gomme ga go yo mongwe ntle le Wena. A nke Maatla a Modimo bjale, Lentšu, le itsebagatše ka Bolona, ka go batho ba, gore go tsebje gore O Modimo, gomme ke boletše Therešo, Morena. Ke e dirile, ye, ka taelo ya Gago; bjalo ka ge Eliya a boletše bogologolo, “Ke dirile se sohle ka taelo ya Gago.” Efa, Morena, seo se tla ba bjalo, Leineng la Jesu Kriste. Amene.

Bjale ka dihlogo tša lena di inamišitšwe, yo mongwe le yo mongwe wa lena.

154 Moya wo Mokgethwa o nno nkemiša, metsotso e se mekae ya go feta, ge ke thoma go rapela. O rile, “Go na le ba bangwe mo ba sa tsebeggo seo le bjale.” A nke Modimo wa Legodimo a le tlogele ntle le e ka ba eng, a nke A Le lahlele thwi morago ka difarong tša lena lehono, gona.

155 Lena batho ba go babja ba le lego mo. Ga se ka ke ka dira se ka kopanong ya Banna ba Kgwebo. Lena batho ba go babja mo, ba le dumelago Modimo, le go dumela le na le tumelo go kgwatha seaparo sa Gagwe. Gomme, elelwang, Beibele e rile, ka go Baheberere 4, “Lentšu la Modimo ke le bogajana go feta tšhoša ya magalemabedi, mohlathi wa dikgopolo tšeo di lego ka pelong.” Bohle re tseba seo. A le a Le dumela? A le tla rapela?

156 A nke motho yo motee a se šuthe go tloga bjale go ya pele. A nke yo mongwe le yo mongwe a be tlhomphokgolo ka kgonthe, go homola ka kgonthe, go homola ka kgonthe. Rapelang. Gomme a nke Moya wo Mokgethwa bjale o re hlahlele go se re ka se dirago le se re ka se bolelago, ka gore iri ye ya tlhokofalo e mo bjale kgahlanong le rena.

157 Morena Jesu, go ka diatleng tša Gago. Ke ka diatleng tša Gago. Ke ikgafela nnamong go Wena. Le lahlele morago ka difarong tša bona, Morena, Le bee thwi morago. Kgonthe, Moya wo Mokgethwa wo mogolo wa Gago o mpotša fa se se lokilego le sa phošo. Gomme ke a tseba theipi ye e ya go kopana le ba bantši ntle kua, gomme ke a rapela gore O tla e dira e tsebje lehono gore ke ba boditše Therešo, gomme ke rometšwe bakeng sa se, boka O boletše mo nokeng nako yela ge Morongwa yola wa Morena a eme fale ka go Pilara yela ya Mollo. A nke go tsebje lehono gore ke boletše Therešo, ka Leina la Jesu Kriste. Amene.

158 Phagamišang dihlogo tša lena bjale. Lebelelang ka tsela ye, gomme le se belaele. Modimo Ramaatlakamoka a be moahlodi wa rena.

159 Ge Jesu Kriste a eme mo lefaseng! Ge A hwile, O fodišitše balwetši, O phološitše balahlegi. A le dumela seo? Eupša ge A be a le fa, ka fao ba tsebilego O be a le, gobane O be a le Lentšu. Ke ba bakae ba tsebaggo seo go ba therešo? O be a le Lentšu, gomme Lentšu le hlatha dikgopolo tšeo di lego ka pelong. A yeo ke nnete?

160 Ga ke kgone go bona motho ka moagong wo, ka nako ye, ke a tseba, ntle le badiša ba, le go ya pele, morago mo.

161 Goba, mohlomongwe Ngwanešu Roberts o mo, ke tla no ba le yena a thome mothalo wa thapelo. A Ngwanešu Roberts o morago ka kua? [Yo mongwe o re, “Aowa.”—Mor.] Ga a mo. Go lokile.

162 Bodiredi bja ka bo tla dira go nako ye. Ke a le hlohla, Leineng la Jesu Kriste, go ntumela, gore ke boletše Therešo ka Lentšu, le go dumela se ke se boletšego go ba Therešo. A le tla dira seo?

A go be, Morena, a go be.

163 Go ne monna o dutše thwi fa. Ke nyaka le retolle mahlo a lena; a ga le kgone go bona Seetša sela se lekeletšego fale? Go ne monna o dutše fale, o ntebeletše, o a rapela. O tlaišega ka bothata bja leswafo, le bofokodi. O se ke wa e foša, mohlomphegi. Mna. Carr, phagamela godimo gomme o amogele phodišo ya gago. Jesu Kriste o a go fodiša. Ga se kake ka bona monna, ka bophelong bja ka.

164 Go ne monna morago fale, yo mokaone kudu, o be a rapela le yena. Eupša bothata ke eng ka monna yola, monna yola fale o na le bothata bja leihlo. O na le sehloga ka lehlakoreng la gagwe la ngele. Leina la gagwe ke Mna. Bartlett. O a dumela! A yeo ke nnete, mohlomphegi? A ke mosetsebje go wena? Šišinya seatla sa gago; bohle re basetsebane. Yeo ke nnete. Modimo a go šegofatše. Dumela, o tla fola.

O a dumela!

165 O mmoditše seo bakeng sa eng? A o ntumela go ba moprofeta wa Gagwe, mohlomphegi? Ee, mohlomphegi. O tlaišega ka go nyama ga semoya, go nyama gannyane ka kgwebong le dilo. Yeo ke nnete. Yeo ke nnete. Mna. Clawson, a o dumela ka pelo ya gago yohle gore Jesu o tla go otlolela yona? A leo ke leina la gago? Leo ke lefelo la gago? Go lokile, o ka ba le se o se kgopetšego. Amene.

166 Yo mongwe godimo *fa* o a Le dumela, amene, yo mongwe ka tumelo ya mmapale ya Moya wo Mokgethwa.

167 Mdi. Waldrop, ke bona seo. Ke, ke a go tseba. Aowa, ga se bakeng sa gago. Ke sa lesea leo, gomme lesea leo ke setlogolomorwa khukhu sa gago. Ga se ka ke ka mmona, ka bophelong bja ka. Yeo ke therešo. Lesea le tlaišega ka bothata bja leihlo bo hlotšwe go tšwa go aletši a bilego le yona. Seo ke O RIALO MORENA. O a dumela!

168 Mohumagadi, o babja kudu. O tšhogile, o na le bothata bja mogodu, gabotse ka go go phuhlama ga megalatšhika. A o a dumela gore Modimo o tla go fodiša? Mary, dumela ka pelo ya gago yohle, gomme Jesu Kriste o tla go fa tlhologelo ya gago.

O difarong tša gago!

169 Mohumagadi yo monnyane šo o dutše mo, o a rapela, o lebeletše thwi go nna, hlogo e fase. Phagamela godimo gomme o ntebelele. Motho wa go loka. Ga o tšwe mo. O tšwa kgole go tloga mo, New York. Eupša ge o ka dumela gore Jesu Kriste o e dira gabotse, O tla go fa kolobetšo ya Moya wo Mokgethwa. A o dumela seo? Mdi. Bryan go tšwa New York, dumela ka pelo ya gago yohle, gomme o ka kgona go amogela Moya wo Mokgethwa gonabjale.

170 Le ka difarong tša lena, bagwera! A le a Le dumela, Lentšu le itira ka Bolona go bonagala? A le dumela Jesu Kriste wa go swana maabane, lehono, le go ya go ile? Ga ke tsebe batho ba. Modimo ke Moahlodi wa ka, ga ke tsebe batho ba. Jesu Kriste o

a ba tseba. O tla dira eng ka Lentšu le le tloditšwego le, bjalo ka ge A rile, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho”? Ge karolo ye e le therešo, Molaetša wo ke o rerago ke therešo. Ke Moya wo Mokgethwa, ka Bowona, o dira tlhathollo ya Wona Mong, gore Ke therešo. Amene. O dumele ka pelo ya gago yohle! A o tla e dira?

¹⁷¹ Emelela ka maoto a gago gona gomme o O amogele, Leineng la Jesu Kriste.

¹⁷² Ge Moya wo Mokgethwa o sa le mo, ke nyaka go bea diatla godimo ga disakatuku tše mo. A re phagamišetšeng diatla tša rena go Kriste.

¹⁷³ Morena Jesu, re a Go dumela. Re a tseba O Therešo, Seetša, Lentšu. Ke beile diatla tša ka godimo ga disakatuku tše. Ke a rapela, Morena Jesu, gore maatla a Gago a tla dikologa go kgabola moago wo le go kgabola disakatuku tše, godimo ga dijase tše nnyane tše le diaparo. Gomme a nke Moya wo Mokgethwa o tle godimo ga tšona, Morena. E fe. Gomme a nke ba fodišwe, yo mongwe le yo mongwe wa bona, ka gore Lentšu la Gago ke Therešo. E fe, Morena.

¹⁷⁴ Bjale go yo mongwe le yo mongwe ka phuthegong, o tla dira eng ka Jesu yo a bitšwago Kriste? E ka seatleng sa gago. O se dumelele batho go go botša . . . Ke ra batho godimo ga theipi ye, batho ntle fa ka go batheeletši, o tla dira eng ka yona lehono? Gobaneng o sa Mo amogele, motho yo mongwe le yo mongwe a babjago ka fa? Monna yo mongwe le yo mongwe a belaelago ka fa, mosadi yo mongwe le yo mongwe a belaelago, gobaneng o sa Mo amogele bjalo ka Mophološi wa gago? O ka se tsoge wa Mo hlatswa go tloga seatleng sa gago. Thutotumelo ya gago e ka se tsoge ya Mo tloša. Ga go sesepa sa Fuller sa go lekanela ka nageng go Le šuthiša. Selo se tee feela o ka kgonago go se dira, Mo hwetše ka pelong ya gago! Amene. A o tla Le amogela? Phagamiša diatla tša gago gona. Gomme o re . . . Mo fe tumišo le letago.

¹⁷⁵ Tate wa Legodimong, ke ba Gago. Lentšu la Gago le tsebagaditšwe. Batho ke ba Gago. Ke ba neela go Wena, Leineng la Jesu Kriste. Amene.

¹⁷⁶ Phagamišetšang diatla tša lena godimo bjale gomme le Mo tumišeng. Gomme ke Mo gafela go wena, Leineng la Jesu Kriste.



64-0126 Re Tla Dira Eng Ka Jesu Yo A Bitšwago Kriste?
Ramada Inn
Phoenix, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org